

REFERAT IIIA - Isumaginninnermut Inunnullu Innarluutilinnut Ataatsimiititaq d. 07-04-2026

Mødedato Tirsdag d. 07. april 2026 kl. 17:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	6
Isumaginninnermut Inunnullu Innarluutilinnut Ataatsimiititami suliat oqaluuserineqartussat pillugit Suliffeqarneq pillugu immikkoortumut pilersaarut 2025-2029-meersumut killiffik.....	8
Najugaqarfittut neqeroorutinik ingerlatsinermut nakkutilliineq pillugu ilisimatitsissut.....	11
Inunnut innarluutilinnut tarnimikkullu nappaatilinnut Immikkoortortami suliasaqarfiup ataani naju	15
Innuttaasut innarluutillit angalanissamut immikkut qinnuteqartarfissaannik misiliummik aaqqissuus	18
Nuummi Kofoed Skolep suliasai pillugit aalajangiineq.....	21
Nuummi innuttaasunut inuttut ajornartorsiuteqartunut Sammisassatut neqeroorutinik neqerooruteqa	25
Tamalaat.....	29
Imaqarniliap akuerineqarnera.....	32
	34

Punkt .: Saqqaa

Ilaasortat:

Justus Hansen (D), Siulittaasoq
Lone Rosengreen Pedersen (IA), siulittaasup tullia
Ida Julie Andersen (IA)
Mala Høy Kúko (S)
Laura Tåunajik Uitsatikitseq (S)

Beslutning

Peqataasut:

Lone Rosengreen Pedersen (IA)
Ida Julie Andersen (IA)

Ataatsimeeqataasut tamarmik najuupput:

Justus Hansen (D)

Mala Høy Kúko (S)
Laura Tåunajik Uitsatikitseq (S)

Punkt .: Oqaluserisassat akuerineqarneri

Beslutning

Oqaluserisassat akuersissutigineqarput.

Punkt .: Nalunaarutit

Beslutning

Ingerlatsivimmiit nalunaarutit:

Peqqissutsimut Inunnullu Innarluutilinnut Naalakkersuisoqarfimmit Inuit innarluutilit tapersorneqarnissaat pillugu Inatsisartut inatsisaannut siunnersuut tamanut tusarniaassutigineqarpoq. Inatsisissatut siunnersuummi nutaami suliniutit amerlasuut saqqummiunneqarput, kommunimi inunnullu innarluutilinnut suliaassaqarfimmut pingaarutillit.

Isumaginninnermut, Suliffeqarnermut Nunamullu Namminerlut Naalakkersuisoqarfimmit Naalakkersuisut suliffeqarnermut periusissiat 2026-2035 saqqummiunneqarpoq.

Ulloq naallugu atuarfik ulloq 20. marsi nutaamik atertaarpoq: Ilasiaq. Atuarfiup immikkoortortaarfii marluusut Aappaluttumik Tungujortumillu atserneqarput, illorsuup qalipaatai naapertorlugit.

Suliffeqarnermut Isumaginninnermullu Ingerlatsivimmit Paamiuni Pilersitsivimmi atuarnut juullimut angalanerit saqqummiullugit aallartinneqarpoq. Juullimut angalanerit Isumaginninnermut, Suliffeqarnermut Nunamullu Namminerlut Naalakkersuisoqarfimmit aningaasaliiffigineqarput Pilersitsivimmilu ingerlatsinermi uniinnartarnermik pinaveersaartitseqataassallutik.

Tasiilami atuagarsornertaqanngitsumik piginnaangorsaaqqinnermik neqeroorummik (maannamut Siu-Tsiuusimasumik) pilersitsinermut suliariumannittussarsiuussisoqarpoq. Neqeroorutiniq naleqquttunik tigusaqartoqanngilaq. Taamaattumik Aaqquissuussinnermut Pisiniartarnermullu Immikkoortortaarfimmit poorskip kingorna suliaassaq suliariumannittussarsiuunneqaqqissaaq. Suliffeqarnermut Isumaginninnermullu Ingerlatsivimmit soqutiginnissinnaasut attavigineqassapput, suliamut suliariumanninnissaannut soqutigisaannik qulaajaanissaq pillugu.

Suliffeqarnermut Isumaginninnermullu Ingerlatsivimmit qaammat una Ilisimatusarfimmit nuna tamakkerlugu angerlarsimaffeqanngitsunik kisitsinerup aallartinneqarnissaa pillugu Isumaginninnermut, Suliffeqarnermut Nunamullu Namminerlut Naalakkersuisoqarfimmiit ilisimatitsissummit tigusaqartoqarpoq. Angerlarsimaffeqanngitsunik kisitsineq ilaatigut kommunip angerlarsimaffeqanngitsunut unnuisarfiini namminerlu najugaqalernissamat sungiusartarfiini ingerlanneqassaaq.

Kommuneqarfik Sermersuumit Inulerivik, innuttaasunut tarnimikkut atugarliortunut nuna tamakkerlugu tarnikkut piginnaangorsaaq siunnersuisarfillu tunngaviusumik isumaqatigiissuteqarfigineqarpoq. Isumaqatigiissut kommunimit ajornartorsiutip iliuuseqarfigigaluarernerata kingorna kommunimit innuttaasut tarnimikkut atugarliortut ingerlataqarnissaannut innersuussisoqarsinnaaneranut periarfissaqarnermik imaqarpoq.

Punkt 1: Isumaginninnermut Inunnullu Innarluutilinnut Ataatsimiititami suliat oqaluuserineqartussat pillugit ilisimatitsissut

Beslutning

Ilisimatitsissut tusaatissatut tiguneqarpoq.

Isumaginninnermut Inunnullu Innarluutilinnut Ataatsimiititami suliat oqaluuserineqartussat pillugit ilisimatitsissut

Ilisimatitsissut

SagsID.: EMN-2024-02034

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit matumuuna suliassat ataatsimiititami oqaluuserineqartussat, ingerlatsivimmit ataatsimiititamut qaammatini tulliuuttuni saqqummiunneqartussat, ilisimatitsissutigineqarput.

Ingerlatsivimmit ataatsimiititaq suliassamik oqaluuserineqartussamik ilisimatinneqassasoq kissaatigineqarpoq, taamaalilluni ataatsimiititami ilaasortat piareersarluarsinnaaniassammata aamma ataatsimiititap ataatsimiinnissaanut ataasiakkaanut oqaluuserisassat aalajangiunneqannginneranni. Ataatsimiititami oqaluuserineqarnissaannut piffissaliusaaq sulii aalajangiunneqanngilaq, soorluttaaq immikkoortut allannguuteqarsinnaasut.

Piffissami matumani ingerlatsivimmit suliassat uku ukiup affaani tulliuuttumi ataatsimiititami oqaluuserineqartussatut naatsorsuutigineqartut ilisimaneqarput:

- Inunnut innarluutilinnut aamma Tarnimikkut nappaatilinnut Immikkoortortaqaarfik pillugu missingersuusiornissamut piareersaataasumik killiffik
- Suliffeqarnermut Isumaginninnermullu Sullissivik missingersuusiornissamut piareersaataasumik killiffik
- 2027-mut suliat pitsaassusissaasa allaaserineqarnerat
- Siusinaartumik pensionisiat pillugit misissueqqissaarineq
- Kofoeds Skolemut naatsorsuutit ukiumoortumillu nalunaarusiaq
- Innuttaasut innarluutillit inissinneqarsimasut pillugit ilisimatitsissut
- Inunnut innarluutilinnut immikkuullarissumik suliassaqaarfimmut immikkoortumut pilersaarummi immikkoortut pingaarnersiorneqarneri
- Ukiumoortumik Inuit Innarluutillit pillugit Siunnersuisooqatigiinnik ataatsimeeqateqarneq

Ataatsimiititami ukiumut arlaleriarluni oqaluuserineqartussat aalajangersimasut takussutissami ilaatinneqanngillat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq

Ilangussaq
Ilangussaqanngilaq.

Punkt 2: Suliffeqarneq pillugu immikkoortumut pilersaarut 2025-2029-meersumut killiffik

Beslutning

Ilisimatitsissut tusaatissatut tiguneqarpoq.

Suliffeqarneq pillugu immikkoortumut pilersaarut 2025-2029-meersumut killiffik

Ilisimatitsissut

SagsID.: EMN-2026-00626

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut figuneqassasoq

Suliassamik saqqummiussineq

Ulloq 4. oktobari 2022-mi Kommunimi suliffeqarnermut politikki 2023-2033 kommunalbestyrelsimit akuersissutigineqarpoq. Suliffeqarneq pillugu suliassa qarfirmi kommunimit suliniutinut pingaarnertut politikikkut killiliussanik toqqammaviliisuvoq. Politikki taanna tunngavigalugu suliffeqarneq pillugu immikkoortumut pilersaarut 2025-2029 suliarineqarpoq. Suliffeqarnermut suliassa qarfirmi politikikkut anguniakkat suliniutinut aalajangersimasunut piviusunngortinneqarnissaat siunertaavoq. Tamanna ulloq 4. marsi 2025-mi Kommunilbestyrelsimit akuersissutigineqarpoq.

Suliffeqarneq pillugu immikkoortumut pilersaarut ilaatigut suliniutinik ukununnga sammisunik imaqarpoq:

- Suliffeqarfiit inissaqartitsinerusut
- Sulisut piginnaasaannik qaffassaaneq
- Avataaneersunik sulisinnaasunik pisariaqartitsinermik sulissuteqarneq
- Inussuttut suliffissaaleqisut pillugit suliniutit annertusiat.

Maannakkut Suliffeqarnermut Isumaginninnermullu Ingerlatsivimmit suliffeqarneq pillugu immikkoortumut pilersaarutip atuutilersinnissaa sulissutigineqarpoq. Majorianili tamani avataaneersunik teknikkikkut ajornartorsiutit pissutigalugit suliamik kinguaattoortitsipput. Tulliuttumi suliffeqarneq pillugu immikkoortumut pilersaarutip atuutilerneraniit ukioq siullermi suliagarneq killiffissiorneqarpoq. Ingerlatsivimmit 2027-p aallartinnerani atuutilersitsinerup killiffianik annertunerusumik saqqummiisoqarnissaa naatsorsuutigineqarpoq.

Atuutilersitsinerup killiffia

Ulloq 28. agusti 2024-mi Paamiuni Pilersitsiviup pilersinneqarnera kommunalbestyrelsimit akuersissutigineqarpoq. Taanna 2025-imi pilersinneqarpoq. Pilersitsivimmit inuusuttunut, suliffeqanngitsunut ilinniakkamillu ingerlatsinngitsunut, tunisassiornermik atuarfimmu assingusumik ingerlatsinissamut neqeroortugineqartarput. Sullitat tassaapput inuusuttut 16-it 25-llu akornanni ukiullit.

Ulloq 23. juuni 2023-mi Nuummi modulikkaartumik atuartitsinermik ingerlatsinermik misiliummik suliniut Majoriami inaarutaasumik misilitsinneq (MA) kommunalbestyrelsimit akuersissutigineqarpoq. Modulikkaartumik atuartitsineq innuttaasunut meeqqat atuarfianni misilitsissimangitsunut imaluunniit atuartitsissutini ataasiakkaani karakteereqanngitsunut sammitinneqarpoq. 2025-mi suliffissarsiorunut piginnaangorsaannikkut taamalu ilinniagaqaqqinnissaannut aamma sulilernissaannut periarfissaannik pitsanngorsaataasumik

suliniummik aallartitsisoqarpoq. Iluatsilluartutut nalilerneqarlunilu siunissami naammassinnittut amerlassasut naatsorsuutigineqarpoq.

Suliffeqarneq pillugu immikkoortumut pilersaarutip atuutilersinneqarnera kommunimi illoqarfinni immikkoortukkuutaarlugu ingerlanneqarpoq. Suliaq Tasiilami aallartinneqarpoq. Maannakkut Isumaginninnermut Sullissiviup, kommunimi aqutsisut aamma Majoriani sulisut akornanni oqaloqatigiinnerit kiisalu innuttaasunut suliffissaaleqisunut aamma najukkami suliffeqarfinnik peqataatitsinissaq ukkatarineqarput. Ilaatigut immikkut inuusuttut suliffissaaleqisut ukkatarineqarput. Tasiilami atuutilersitsinerup kingorna taamatut suliaqarneq Ittoqqortoormiini kingornalu Paamiuni nangingneqassaaq. Nuummi atuutilersitsineq 2026-mi ukiaanerani aallartinnissaa naatsorsuutigineqarpoq.

Atuutilersitsinerup ilaatut Majoriami sulisunik ataatsimeeqateqarnerit ingerlanneqassapput. Immikkoortumut pilersaarummi suliniutit misissorneqarlutillu taakkuninnga suliniutinik aalajangersimasunut piviusunngortitsiniarnernut sulisut peqataatinneqassapput. Tamatuma saniatigut najukkami suliffeqarfiit, suliffissaqartitsiniutit, praktikkernerit aamma innuttaasunut suliffissaaleqisunut suliffiusinnaasut pillugit suleqatigiinnissamut oqaloqatigiinnissamut aggersarneqassapput. Taamatutaaq innuttaasut suliffissaaleqisut suliffissaqartitsiniarnermi periarfissat suliniutillu nutaat pillugit ilisimatinneqassapput.

Iliuusissatut pilersaarutit aamma aqqissuussaaneq

Atuutilersitsinissamut atatillugu piuminarnerusumik sulinermullu qaninnerusumik periuseqarnissaq qulakkeerniarlugu iliuusissamik pilersaarutit aalajangersimasut sulissutigineqassapput. Majoriami aqutsisut pingaarutilimmik atuuffeqassapput. Suliffeqarnermut Isumaginninnermullu Ingerlatsivimmit Majoriat suleqatigalugit iliuusissatut pilersaarutit suliaqartarnernik malinnaaffiginninnernillu tapersersuisoqartarpoq. Iliuusissatut pilersaarutit immikkoortumut pilersaarummi suliniutit sammisassaqartitsinernut aalajangersimasunut piviusunngortinneqarnissaat qulakkeerneqassapput. Tassunga ilanngullugit kommunini suliffeqarfiit namminersortut suleqatigalugit suliffissaqartitsiniutit, piginnaanngorsaaqqinnernik ingerlatsinerit aamma suliffissaaleqisunut sammisunik suliniutit allat.

Sulinerup ingerlariaqqinnera

Suliffeqarneq pillugu immikkoortumik pilersaarummik atuutilersitsineq ukiuni pingasuni ingerlanneqarnissaa naatsorsuutigineqarpoq. Ukiumi siullermi atuutilersitsinerup aallartinneqarnissaa pingaarnertut ukkatarineqarpoq. Ukiuni tulluittuni suliniutit aalajangersimasut annertunerusumik aallartinneqarnissaat sulinermilu misilerarneqarnissaat naatsorsuutigineqarpoq. Tassunga ilanngullugit piginnaanngorsaanerit, piginnaanngorsaaqqinnerit aamma suliffissaqartitsiniutit iluini.

Ingerlatsivimmit aningaasatigut sulisoqarnikkullu naliliinerit

Soqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommuneqarfik Sermersuumi suliffeqarnermut politikki 2023-2033
- Suliffeqarneq pillugu immikkoortumut pilersaarut 2025-2029
- Suliffeqarneq pillugu immikkoortumut pilersaarummi 2025-2029 suliniutinut toqqammavik

- Suliffeqarneq pillugu immikkoortumut pilersaarut 2025-2029-meersup tunuliaqutaa pillugu nalunaarusiaq

Ilangussaq
Soqanngilaq.

Punkt 3: Najugaqarfittut neqeroorutinik ingerlatsinermut nakkutilliineq pillugu ilisimatitsissut

Beslutning

Ilisimatitsissut tusaatissatut tiguneqarpoq.

Bilag

Nakkutilliilluni nalunaarusiat ataatsimut eqikkarneri



Najugaqarfittut neqeroorutinik ingerlatsinermut nakkutilliineq pillugu ilisimatitsissut

Nakkutilliineq pivoq piffissami septembari-oktoberi 2025

Ilisimatitsissut

SagsID.: EMN-2026-00225

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Inuit innarluutilit tapersorsorneqarnissaannut Inatsisartut inatsisaat nr. 13, 12. juni 2019-imeersoq kiisalu Isumaginninnermi suliassaqarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. august 2021-meersoq naapertorlugu Kommuneqarfik Sermersuumi ukiumut ingerlatsinermik nakkutilliineq ingerlanneqartarpoq. Nakkutilliineri immikkoortukkuutaat pitsaassusiannik qulaajarnissaq nalilerneqarnissaannillu kiisalu pitsanngorsaatissanik innersuussinissaq siunertaavoq. Tamanna kommunip innuttaasunut sullissinerata pitsaassusissatut killigititaanik qulakkeerinneqataassaaq taamatullu sulisut sulinerminni atugarisaat.

Piffissami 2025-mi septembarimiit oktoberimut nakkutilliinerit marluk ingerlanneqartut tassaapput:

- Najugaqatigiiffik Pakkutaq, Nuummi
- Najugaqatigiiffik Kangillinnguit, Nuummi

Ilanngussaq 1-imi nakkutilliinerimut nalunaarusiat ataatsimut eqikkarneqarneri ataatsimoortinneqarput, taakkunani inerniliinerit innersuussutillu eqikkarneqarput. Tullinnguuttuni nakkutilliivigineqartunut inerniliinerit innersuussutaasullu ataasiakkaat erseqqissaatigineqarput.

- Sulisut najugaqartunut ataqqinnittumik, qanilaartumik aamma akuersaartumik periaaseqarput
- Inunnut Innarluutilinnut aamma Tarnimikkut nappaatilinnut immikkoortoqarfimmi siunnersortimik sulisoqarpoq, najugaqartunut neqeroorutit pillugit illup iluani supervisionertitsisartussamik
- Pakkutaq ullormut uppersaasiisarnernik aalajaatsumik suliqarpoq aamma 2024-miilli ullormut allatorneqartartut amerlisimapput
- Aqqusinersuarmi aamma Blok 9-mi najugaqatigiiffiit 2025-mi Mannguani ataatsimoortinneqarput
- Najugaqarfittut neqeroorutini tunngaviumik najugaqartut pillugit nalinginnaasumik paasissutissanik peqanngillat, soorlu iliuusissatut pilersaarutit aamma paasissutissartaasa nutarterneqarsimani
- Najugaqarfittut neqeroorutini uppersaasersuinermi assigiissaartunik aqqissuussineq amigaataavoq aamma skabelon-it assigiissaakkat, ingerlaavartumik ataqatigiissumik aamma siunnerfilimmik najugaqartunut sulinissaq qulakkeerniarlugu.
- Nalinginnaasumik isumaginninnikkut perorsaanermut sulianut tunngasut appasipput. Tamanna aqutsisutigit annertunerusumik akisussaaffiliivoq isumaginninnermi perorsaanermik suliqarnermi tunngavissaqartitsinissaq pillugu



- Pakkutaq ersarissuungilaq aamma najugaqartut aningaasaataanik qanoq isumagineqartarnerannik uppersaasersuisarnek, matumani pisinnaatitsissutit aamma angajoqqaatut akisussaasut pillugit paasissutissat ilanngullugit

Nakkutilliisup oqaaseqaataanik innersuussutaanillu malinnaaffiginninnertut Inunnut Innarluutilinnut Tarnimikkullu nappaatilinnut Immikkoortortami Fagcheffi ilisimatitsivoq immikkoortortami innersuussutit sulissutigineqaqqissasut. Suliassa qarfiit arlallit eqqumaffigineqarput aamma ineriartortitsineq ingerlavoq.

Ingerlatsivimmit aningaasatigut sulisoqarnikkullu naliliinerit

Aningaasatigut allaffissornikkullu kinguneqanngilaq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaasatillit

- o Isumaginninnermik suliassa qarfimmi nakkutilliisarneq pillugu Namminersorlutik Oqartussat nalunaarutaat nr. 49, 31. aggusti 2021-meersoq
- o Inuit innarluutilit tapersorsorneqarnissaannut Inatsisartut inatsisaat nr. 13, 12. juuni 2019-meersoq

Ilanngussa

1. Nakkutilliilluni nalunaarusiat ataatsimut eqikkarneri
2. Pakkutami nakkutilliinermit nalunaarusiaq 2025
3. Kangillinguani nakkutilliinermit nalunaarusiaq 2025

**Punkt 4: Inunnut innarluutilinnut tarnimikkullu nappaatilinnut
Immikkoortortami suliassaqarfiup ataani najugaqatigiiffinnut nutaanut,
Aqqusinersuarmitumut, Blok 9-miittumut aamma Manngua 6-miittumut,
ileqqoreqqusat**

Beslutning

Inassuteqaat akuersissutigineqarpoq.

Bilag

Najugaqatigiiffik Aqqusinersuaq pillugu ileqqoreqqusaq

Najugaqatigiiffik 9 pillugu Ileqqoreqqusaq

Najugaqatigiiffik Manngua 6 pillugu ileqqoreqqusaq

Inunnut innarluutilinnut tarnimikkullu nappaatilinnut Immikkoortortami suliaasaqarfiup ataani najugaqatigiiffinnut nutaanut, Aqqusinersuarmiittumut, Blok 9-miittumut aamma Manngua 6-imiittumut, ileqqoreqqusat

Aalajangiiffigisassaq

SagsID.: EMN-2025-01231

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. Inunnut innarluutilinnut tarnimikkullu nappaatilinnut immikkoortortami suliaasaqarfiup ataani najugaqatigiiffinni ileqqoreqqusatut siunnersuutit saqqummiunneqartut akuersissutigineqassasut

Suliasamik saqqummiussineq

Ulloq 25. juuni 2024-mi Kommunalbestyrelsimit Nuummi najugaqatigiiffinnik nutaanik sisamanik, katillugit 12-inik inissalinnik, pilersitsisoqassasoq akuersissutigineqarpoq. Kingorna Iserit A/S-imit illu Manngua 6 Inunnut innarluutilinnut tarnimikkullu nappaatilinnut Immikkoortortamit pissarsiarineqarsinnaasoq saqqummiunneqarpoq. Aggustimi 2025-mi illup nunaminertaata inissiatut nalunaarsorneqarnera najugaqatigiiffimmut allanngortinneqarpoq, kingorna najugaqatigiiffiit Aqqusinersuaq 13 aamma Blok 9, Mannguani kattunneqarput, ulloq 5. novembari 2025-mi Isumaginninnermut Inunnullu Innarluutilinnut Ataatsimiititap aalajangiinera innersuussutigalugu. Tamatuma kingorna ulloq 25. marsi 2026-mi Kommunalbestyrelsimit Aqqusinersuarmi aamma Blok 9-mi najugaqatigiiffinnik nutaanik marlunnik pilersitsinissaq akuersissutigineqarpoq. Taakku immikkut sisamanik inissaqarput.

Inunnut innarluutilinnut najugaqarfissatut neqeroorutit pillugit Namminersorlutik Oqartussat nalunaarutaat nr. 19, 4. novembari 2019-imeersoq naapertorlugu kingusinnerpaamik 1. januaari 2023 inunnut innarluutilinnut kommunip najugaqarnissamut neqeroorutai tamarmik ileqqoreqqusaqassapput makkuninnga imaqartumik:

- 1) Aqqata, sumiiffiata siunertaatalu allaganngorlugu paasissutissiissutigineqarnera
- 2) Sullinniakkat allaaserineqarnerat.
- 3) Aqutsisut suliaasaasa allaaserineqarnerat.
- 4) Akisussaassutimut malittarisassat kiisalu inummut allamut pingajuusutut inissimasumut qanoq iliorsinnaatitaaneq.
- 5) Missingersuuserinnermut, naatsorsuuserinnermut kukkuneruuserinnermullu malittarisassat.
- 6) Malittarisassanik allannguinernut ingerlatseriaaseq.

Taakku malillugit Suliffeqarnermut Isumaginninnermullu Ingerlatsivimmit Najugaqatigiiffik Aqqusinersuarmut, Najugaqatigiiffik 9-mut aamma Manngua 6-imut ileqqoreqqusanik suliaqartoqarpoq. Ileqqoreqqusani najugaqarnissamut neqeroorutit aaqquussaanerannik ilusilersueqataasussanik attassisussanillu illup iluani maleruagassanik malittarisassanillu nassuiaateqarnissaq siunertaavoq.

Kommuneqarfik Sermersuup najugaqatigiiffiinut mikinerusunut najoqqutassat katitigaaneri suli allanngorarsinnaassapput, taamaasilluta innuttaasunut iluaqutaasussanik pitsaanerpaamik nukissanik atuineq qulakkiissavarput. Taamatuttaaq ulluinnarni aqutsinermi ilaatigut nammineq

periutsimik atuinissamut kiffaanngissuseqarnissaq qulakkeerneqarlunilu aningaasaqarnermut aqutsinermut atuisinnaatitaanermullu malittarisassat aalajangersarneqarlutik.

Ingerlatsivimmit aningaasatigut sulisoqarnikkullu naliliinerit

Soqanngilaq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Inuit Innarluutillit ikiorserneqartarnerat pillugu Namminersolutik Oqartussat nalunaarutaat nr. 19, 4 novembari 2019-imeersoq
- Nuummi najugaqatigiiffinnik sisamanik pilersitsinissaq pillugu suliasamik saqqummiussineq ulloq 25. juuni 2024-meersoq
- Najugaqatigiiffik Blok 9-p aamma Aqqusinersuup kattunneqarneri pillugit suliasamik saqqummiussineq ulloq 05. novembari 2025-meersoq.
- Nuummi najugaqatigiiffinnik marlunnik pilersitsinissaq pillugu suliasamik saqqummiussineq ulloq 02. juuni 2026-meersoq

Ilanngussaq

1. Najugaqatigiiffik Aqqusinersuaq pillugu ileqqoreqqusaq
2. Najugaqatigiiffik 9 pillugu ileqqoreqqusaq
3. Najugaqatigiiffik Manngua 6 pillugu ileqqoreqqusaq

Punkt 5: Innuttaasut innarluutillit angalanissamut immikkut qinnuteqartarfissaannik misiliummik aqqissuussineq

Beslutning

Inassuteqaatini imm. 1.: Ataatsimiititaliap 60 - 40 %-imik agguataarineq misileraalluni aqqissuussatut ukioq ataaseq atuuttussatut akuersissutigaa.

imm. 2.-miit 4-mut: Inassuteqaatit akuersissutigineqarput.

Bilag

Angalanissamut qinnuteqartarfimmut malittarisassat

Innuttaasut innarluutillit angalanissamut immikkut qinnuteqartarfissaannik misiliummik aaqqissuussineq

Aalajangiiffigisassaq

SagsID.: EMN-2026-00697

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. misiliummik aaqqissuussinermi qinnuteqartarfissat pingasut procentinngorlugit agguataarneqarnissaat akuerineqassasoq
2. qinnuteqartarfimmum malittarisassat saqqummiunneqartut akuerineqassasut
3. aaqqissuussinermik pilersitsineq pillugu ingerlatsivimmit Naalakkersuisunut § 53-imik qinnuteqaammik nassiussineq akuerineqassasoq
4. suliaq Aningaasaqarnermut Inuusutissarsiornermullu Ataatsimiititamut ilisimatitsissutitut ingerlateqqinneqassasoq

Suliassamik saqqummiussineq

2026-mut missingersuutit pillugit isumaqatigiissuteqarnermut atatillugu Kommunalbestyrelsimit aalajangerneqarpoq 3 mio. kr.-it innuttaasunut innarluutilinnut angalanissamut immikkut qinnuteqartarfissaannut immikkoortinneqassasut. Aningaasaliissutit ukioq ataaseq 2026-mi misiliummik aaqqissuussinissamut immikkoortinneqarput, tamannalu tunngavigalugu qinnuteqartarfissamut malittarisassanik ingerlatsivimmit siunnersuuteqartoqarpoq (ilanngussaq 1).

Kommune aningaasaliissutinik kiffartuussinermi pitsanngorsaaitut tamanut atuuttumik agguassinissamut inatsisitigut pisinnaatitaanngilaq, suliassaqarfik inuit innarluutillit pillugit inatsimmi malittarisassaqartinneqareenera pissutigalugu. Politikkikkut kissaatigineqartoq inatsisit malillugu atuutilersinniarlugu, periarfissatuaavoq misiliummik aaqqissuussinissaq, inuit innarluutillit pillugit inatsimmi § 53 innersuussutigalugu. Taamaattoqassappat Naalakkersuisut akuersiteqqaarneqassapput.

Inuit innarluutillit pillugit inatsimmi (§§ 54-58) angalanissamut maannakkut aalajangersakkani allassimavoq, innuttaasut najugaqatigiiffinni najugallit ukiumut 1-2-riarlutik suminngaanneerfimminnut tikeraarsinnaatitaasut. Tikeraarnerit amerlassusiannut innuttaasup ukiui qanorlu inissisimanera apeqqutaavoq. Misiliummik aaqqissuussinermi kommune paasissutissanik pingaarutilinnik pissarsitinneqassaaq innuttaasup angalanissamik pisariaqartitsineranut tunngasunik.

Ataatsimiititamit inassuteqaatigineqartoq akuerineqassappat, suliassamik saqqummiussisut malittarisassallu ilanngunneqartut tassaassapput kommunip Naalakkersuisunut qinnuteqarnissamut tunngavissai.

Misiliummik aaqqissuussinermi qinnuteqarnermi periarfissat pingasut politikikkut pingaarnersiornissaannik pisariaqartitsineq

Aningaasaliissutaasuni siunertaavoq inuit piginnaasakillimasut atugarissaarnerannik, inuunerup pitsaassusianik aammalu naligiimmik inuiaqatigiinni peqataanissaannut siuarsaanissaq. Innuttaasut assigiinngitsunik inuuneqarnerat pisariaqartitsinerallu isaassiffiginjarlugu misiliummik aaqqissuussineq qinnuteqarnermi pingasunik periarfissaqassaaq:

- Saniatigut allamik ilaqtutanut tikeraarnissaq
- Immikkut tikeraarneq, taamaalillutik ilaqtutat suminngaanneerfillu tikeraarneqassammata, sumiiffinni avinngarusimatilluni
- Angalanerit inoqatinut kulturikkullu tunngasuni peqataajartorluni

Qinnuteqarfissami aningaasaliissutit killeqarmata, ingerlatsivimmiit naatsorsuutigineqarpoq, qinnuteqartut aningaasaliissutigineqartunit amerlanerussasut. Taamaattumik ingerlatsivimmiit qinnuteqaatigineqarpoq qinnuteqarnermi periarfissat pingasuusut ataatsimiititami procentinngorlugit agguataarneqassasut Aningaasaliissutit agguataarneqassapput procentinngorlugu agguataarinissamik politikkikkut aalajangiunneqartoq malillugu, taamaaliornikkut aningaasat ersarissumik naapertuuttumillu malittarisassaqluni agguataarneqarnissaat qulakkeerneqassammata. Periarfissami ataatsimi qinnuteqartut naammangippata, aningaasaliissutit periarfissat sinnerinut agguanneqassapput.

Qinnuteqarnermi periarfissat pingasut pillugit, aningaasatigut aqutseriaaseq, allaffissorneq, tulleriissaarineri piumasaqaatit aammalu nalilersuinerit tunngasut tamakkiisumik nassuiaatitaat ilanngussaq 1-imi allassimapput.

Piffissalersuineq aamma nalilersuineq

Naalackersuisut sukkasuumik suliarinninnissaat apeqqutaalluni, qinnuteqartarfissaq innutaasunut ammassaaq 2026-imi kvartaalit aappaanni. Misiliummik aaqqissuussineq pillugu 2027-mi kvartalit siullianni ingerlatsivimmiit nalilersuineri suliaqartoqarumaarpoq, taannalu inuit innarluutillit pillugit inatsisinik siunissami allannguuteqartitsinissamut kommunip siunnersuutissaanut tunngaviliisuusinnaavoq.

Ingerlatsivimmiit aningaasatigut sulisoqarnikkullu naliliinerit

Aningaasaliissutit 2026-mi katillutik 3 mio. kr.-iupput, taakkulu atorlugit angalanerit 52-iusinnaasut ingerlatsivimmiit nalilernerqarpoq. Innuttaasut nalinginnaasumik angalanissamik aammalu innuttaasut immikkut angallassissuteqarnissamik angalaqateqarnissamillu pisariaqartitsisut akuersaarneqarnissaat qulakkeerniarlugu, malittarisassat marloqiusamik periarfissaqarput. Periarfissami tassani naapertuuttumik agguataarinissaq qularnaarneqarpoq, nalinginnaasumik pisariaqartitsisunut angalanissamut 30.000 kr.-it tikillugit tapiisoqarsinnaalluni (aningaasaliissutinit 40 %) aammalu annertusisamik tapiiffigineqarnissamik pisariaqartitsisunut 150.000 kr. (aningaasaliissutinit 60 %). Taamaaliornikkut Inuit innarluutillit pillugit FN'imi isumaqatigiissut qulakkeerneqarpoq. Ilanngussaq 2-miit ilanngussaq 1 ilanngullugu itisiliinerit takukkit.

Qinnuteqartitsisarnerit 2026 ilanngullugu ingerlassammata, angalanissamut akueritittut suliaartai eqqarsaatigalugit aatsaat 2027-p aallartinnerani ingerlanneqarsinnaalissapput. Taamaattumik ilassutitut aningaasaliiffigineqarnissamik qinnuteqaatit suliarineqarnissaannut siullermut aningaasaliissutit affaasa 2027-mut nuutinneqarnissaat ingerlatsivimmiit qinnuteqaatigineqarniarput.

Qinnuteqaatit suliarinerat tulleriissaarisartuni suliaasnik amerlisaataassaaq. Suliassaq ingerlatsivimmi sinaakkutit pioreersut atorlugit suliarineqarnissaa naatsorsuutigineqarpoq, kisianni qinnuteqartitsinernut atatillugu sullissisut suliassaannut allanut sanilliullugu sukannersumik pingaarnersuisoqarnissaa pisariaqassaaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Kommunip missingersuutai ukiuni tamani - 2027 ilanngullugu inatsisitigut sinaakkusiussat tamakkerlugit qaffasinnerpaamik missingersuusiorneqarput. Imaappoq, 2026-imiit 2027-imut 1,5 mio. kr.-inik aningaasaliissutinik siumut ilikartitsineq, 2027-imut missingersuusiornepup

ingerlanerani 1,5 mio. kr.-nik nassaarniarluni pingaarnersiuiinermi allanngortiterisoqartariaqassammat.

Inatsisitigut tunngavissaq allakkallu tunngaviusumik uppernarsaatillit

- Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq
- Missingersuutit pillugit isumaqatigiissut 2025-2026 ilanngussartalik 5.1 missingersuutitut siunnersuutit akuerisat

Ilanngussaq

1. Angalanissamut qinnuteqartarfimmut malittarisassat

Punkt 6: Nuummi Kofoed Skolep suliassai pillugit aalajangiineq

Beslutning

Ataatsimiitaliap inassuteqaatini imm. 2 akuersissutigaa, suliarlu Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqillugu.

Bilag

Nuummi Kofoed Skole peqatigalugu suleqatigiinnissamut isumaqatigiissut IIIA ulloq 22.9.2025

Nuummi Kofoeds Skolemit suliat isumagineqartartut pillugit neqeroortitsisussaataaneq pillugu oqaaseqaat

Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni Ingerlatsinermit suleqatigiinnissamillu isumaqatigiissutaat

Suliassat Nuummi Kofoeds Skolemut suliarinnittussarsiuussinikkut suliakkiutigineqarsimasut

Nuummi Kofoeds Skolemi siunissami suliassat pillugit aalajangiinerit Suliffeqarnermut Isumaginninnermullu Ingerlatsivimmit naliliiffigineqarnerat

Nuummi Kofoed Skolep suliassai pillugit aalajangiineq

Aalajangiiffigisassaq

SagsID.: EMN-2026-00551

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. Nuummi Kofoed Skole peqatigalugu suleqatigiinnissamut isumaqatigiissusiamiittut suliassat utertinneqarnissaat akuersissutigineqassasoq, imaluunniit
2. Nuummi Kofoed Skole peqatigalugu suleqatigiinnissamut isumaqatigiissusiamiittut suliassat suliariumannittussarsiuunneqarnissaat akuersissutigineqassasoq, imaluunniit
3. Nuummi Kofoed Skole peqatigalugu suleqatigiinnissamik isumaqatigiissut ikorfartorteqarnermut aaqqissuussanngorlugu allanngortinneqarnissaa akuersissutigineqassasoq, imaluunniit
4. suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassasoq

Suliassamik saqqummiussineq

Isumaginninnermut Inunnullu Innarluutilinnut Ataatsimiititaq ulloq 22. septembari 2025 eqqartuussissuserisut oqaaseqaataat "Nuummi Kofoed Skolemiit suliat isumagineqartut pillugit neqeroortisisussaataaneq" pillugu ilisimatinneqarput. Oqaaseqaammi inernilunneqarpoq Nuummi Kofoed Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni ingerlatsinermit aamma suleqatigiinnissamik isumaqatigiissutaat massakkutut isikkoqartillugu ingerlatinneqaqqissinnaanngitsoq.

Siornatigut ilisimatitsissutaasimasut suliamut llanngussaq 1-tut ilanngunneqarpoq.

Eqqartuussissuserisup oqaaseqaataata kingunerisaanik Kommunalbestyrelsimi februaarip 16-ianni aamma 17-ianni immikkut sammisaqarnermi inooqataanikkut atugarliortut eqqartorneqarput.

Nuummi Kofoed Skolemiit suliat isumagineqartut pillugit neqeroortisisussaataaneq pillugu eqqartuussissuserisup oqaaseqaataa tunngavigalugu Suliffeqarnermut Isumaginninnermullu Ingerlatsiviup nalilerpaa siunissami pingasunik periarfissaqartoq. Nuummi Kofoed Skole aamma Suliffeqarnermut Isumaginninnermilu Ingerlatsiviup akornanni Nuummi Kofoed Skole peqatigalugu Ingerlatsinermit suleqatigiinnissamullu isumaqatigiissutaasut atorunnaarsinneqarnissaannik imaluunniit isumaqatiginninniutigineqaqqinnissaannik periarfissat tamarmik ilaatinneqarput. Isumaqatigiissummi atorunnaarsitsinissaq qaammatinut arfinilinnut sivisussusiligaavoq.

Periarfissat pingasut ataani allassimapput:

1) Suliassanik utertitsineq

Suliassanik utertitsineq Nuummi Kofoeds Skole peqatigalugu suleqatigiinnissamik isumaqatigiissummik taamaatitsinermit imaqaassaaq. Ingerlatsivimmit Nuummi Kofoeds Skolemik ingerlatsinissamut suleqatigiinnissamullu isumaqatigiissummi suliassat nassuiaatigineqartut inatsisitigut pisussaaffiunngitsutut nalilerneqarput. Taamaattumik suliassaq pineqartoq politikkikkut sallinneqartariaqarpoq, Kofoeds Skole taarserlugu kommunimit aqunneqartumik neqeroorteqarnikkut ingerlatitsisoqassappat.

2) Suliassanik tamanut suliarinnittussarsiorneq (neqeroortitsineq)

Februaarip 16-ianni aamma 17-ianni immikkut sammisaqarnermi oqaluuserineqartut tunngavigalugit ingerlatsivimmit nalilerneqarpoq politikikkut kissaatigineqartoq tassaasoq maannakkut suliassat tamanut suliarinnittussarsiuunneri ingerlaannassasoq. Taamaattumik Ingerlatsivimmit pisiniartarnermut immikkoortortaqaarfik suleqatigalugu suliariumannittussarsiorneq suliarineqarpoq taannalu suliami takuneqarsinnaalluni *"Nuummi innuttaasunut inuttut ajornartorsiuteqartunut Sammisassatut neqeroorutinik neqerooruteqartitsineq"*. Inassuteqaat 1 imaluunniit 3 akuersissutigineqarpat suliaq oqaluuserisassanit peerneqassaaq.

3) Aningaasat Nuummi Kofoeds Skolemut tapiissutitut akuersissutigineqartut

Eqqartuussissuserisut oqaaseqaataanni inerniliunneqarpoq, suleqatigiinneq allangortinneqassappat, aningaasat Nuummi Kofoeds Skolemut tapiissutitut tunniunneqartalerlutik, neqeroortitsisarnermut inatsimmik unioqquitsinerussanngitsoq. Tapiissuteqarnikkut aaqqiissuteqarnerup kingunerissavaa kommune Kofoeds Skolep siunertaanut (kommunimi) tapiissuteqassasoq, kommunilli neqeroorutip imarisaanut pitsaassusaanullu tassungalu atatillugu malinnaatitsinissamut piumasaqaateqarsinnaajunnaassaaq.

Isumaginninnermut Inunnullu Innarluutilinnut Ataatsimiititamit qulaani allassimasut periarfissat pingasuusuni ataaseq akuersissutigineqassaaq kingornalu aalajangiineq Aningaasaqarnermut Inuussutissarsiornermullu Ataatsimiititamut akuersissutigisassanngorlugu ingerlateqqinneqassalluni.

Periarfissani pingasuusuni ingerlatsivimmit naliliinerup takussutissartaa ilanngunneqarpoq kiisalu maannakkut suliat Nuummi Kofoeds Skolimut suliakkiutigineqarsimasut takussutissartaanik imaqarluni.

Ingerlatsivimmit aningaasatigut sulisoqarnikkullu naliliinerit

Maannakkut Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni ingerlatsinermut aamma suleqatigiinnissamik isumaqatigiissutaat ukiumut 5,34 mio. kr.-nik akeqarpoq. Siunissamut aningaasatigut qanoq kinguneqassanersoq suliassaqaarfimmu politikikkut kissaatigineqartut apequtaassapput.

Missingersuusiornermut Naatsorsuusiornermullu Immikkoortortamit aningaasatigut naliliineq

Aalajangerit missingersuutaareersut iluaniissimappata oqaaseqaatitassaqanngilaq.

Inatsisitigut tunngavissaq allakkallu tunngaviusumik uppernarsaatillit

- Angerlarsimaffeqanngitsunut periusissiaq
- Angerlarsimaffeqanngitsuuneq pillugu immikkoortumut pilersaarut
- Inersimasunut paaqqinniffiit immikkut siunertallit pillugit Inatsisartut peqqussutaat nr. 6, 28. april 1988-imeersoq

Ilanngussaq

1. Nuummi Kofoed Skole peqatigalugu suleqatigiinnissamut isumaqatigiissut IIIA ulloq 22.9.2025
2. Nuummi Kofoeds Skolemit suliat isumagineqartartut pillugit neqeroortitsisussaataaneq pillugu oqaaseqaat
3. Nuummi Kofoeds Skolep aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akornanni Ingerlatsinermut suleqatigiinnissamillu isumaqatigiissutaat
4. Suliassat Nuummi Kofoeds Skolemut suliarinnittussarsiuussinikkut suliakkiutigineqarsimasut

5. Nuummi Kofeds Skolemi siunissami suliassat pillugit aalajangiinerit Suliffeqarnermut Isumaginninnermullu Ingerlatsivimmit naliliiffigineqarnerat

Punkt 7: Nuummi innuttaasunut inuttut ajornartorsiuteqartunut Sammisassatut neqeroorutinik neqerooruteqartitsineq

Beslutning

Inassuteqaat akuersissutigineqarpoq.

Bilag

Neqerooruteqartitsinermut atortussatut siunnersuut

Neqerooruteqartitsinermi atortussani imaritinneqartut pillugit Suliffeqarnermut Isumaginninnermullu Ingerlatsivimmit isumaliutersiissutit

Suliamik saqqummiussissut AIA ulloq 22. aggusti 2025, Inunnut tarnikkut ilungersuuteqartunut suussusersineqarsimanngitsunilli suliniut

Nuummi innuttaasunut inuttut ajornartorsiuteqartunut Sammisassatut neqeroorutitik neqerooruteqartitsineq

Aalajangiiffigisassaq

SagsID.: EMN-2026-00551

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. neqeroortitsinermit atortussat akuersissutigineqassasut, taakkununga ilanngullugit suliakkiussinissamut piumasaqaatit akunnerminnilu pingaartitat
2. Inunnut tarnikkut ilungersuuteqartunut suussuserneqarsimangitsunilli suliniutitut ornittakkap neqerooruteqartitsinermit atortuni periarfissaatinnissaa akuersissutigineqassasoq
3. Suliffeqarnermut Isumaginninnermullu Ingerlatsivimmi pisortaq neqeroortitsineq tunngavigalugu isumaqatigiissusiornissamut piginnaatinneqassasoq
4. suliaq Aningaasaqarnermut Inuussutissarsiornermullu Ataatsimiititamut aalajangiiffigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Suliamik saqqummiussineq

Suliaq taanna peerneqassaaq, immikkoortumi *Nuummi Kofoeds Skolemi suliassat pillugit aalajangerneq* inassuteqaatit 1 imaluunniit 3 akuerineqarpata

Suliffeqarnermut Isumaginninnermullu Ingerlatsivimmit pisiortortarnermut immikkoortoqarfik suleqatigalugu neqeroortitsinissamut atortussat pillugit siunnersuummik suliaqartoqarpoq. Neqeroortitsinermit atortussat Isumaginninnermut Inunnullu Innarluutilinnut Ataatsimiititamit aamma Aningaasaqarnermut Inuussutissarsiornermullu Ataatsimiititamit akuersissutigineqartussat ilanngunneqarput.

Ingerlatsivimmit siunnersuutigineqarpoq, isumaqatigiissutaalersussaq januaarip aallaqqaataani 2027-imiit 2031-mi decembarip 31-ata tungaanut atuutissasoq.

Neqerooruteqartitsinermit atortuni periarfissaavoq Inunnut tarnikkut ilungersuuteqartunut suussuserneqarsimangitsunilli suliniutitut ornittakkamut ukioq ataaseq periarfissiissutigineqassasoq. Tassunga aningaasaliissutit 2025-imut missingersuutitut isumaqatigiissummut immikkoortinneqarput.

Ornittakkamik pilersitsinissamik aalajangiinissaq kinguartinneqarpoq, Aningaasaqarnermut Inuussutissarsiornermullu Ataatsimiititamit ulloq 22. aggusti 2025 aalajangerneqarmalli pilersitsinissaq immikkut sammisaqarnermit eqqartorneqassasoq. 2025-imi qulaajaaneq tunngavigalugu Suliffeqarnermut Isumaginninnermullu Ingerlatsivimmit nalilerneqarpoq, aningaasatigut sinaakkutaasut 800.000 kr.-it neqeroorummi periarfissanut killiliisut. Taamaattumik ingerlatsivimmiit nalilerneqarpoq, neqerooruteqartitsinermit atortuni killiliissutaasut ilaat ilaatinnissaat akuerineqarsinnaasoq, neqeroorutit marluusut akornanni aningaasartuutit avinneqarsinnaammata.

Neqerooruteqartitsineri atortut pillugit ingerlatsivimmi isumaliutersuutigineqartut pillugit itisillineq ilanngunneqarpoq, tassunga ilanngullugu inunnut tarnikkut ilungersuuteqartunut suussusersineqarsimanngitsunilli suliniut periarfissatut isumaliutiginissaa ilanngunneqassasoq.

Neqeroortitsineri atortussat akuersissutigineqarnerisigut neqeroortitsineri suliaqarneq Suliffeqarneri Isumaginninnermullu Ingerlatsivimmi naammassineqassaaq, kiisalu neqerooruteqartitsineri ajugaasoq isumaqatigiissusiorfigineqassalluni.

Ataani allasimapput suliakkiussinissamut piumasaqaatit taakkulu imminni uuttortarnissaat, neqerooruteqartitsineri atortussani aalajangersarneqartut, ataatsimiitamiillu akuerineqartussat.

Piumasaqaatit allat	Pingaartitat
Suliatigut pitsaassuseq periaasissarlu	50 %
Aaqqissuussaaneq sulisullu piginnaasaat	30 %
Suleqatigiinneq, uppersaasiorneq aamma malinnaaffiginninneq	20 %

Ingerlatsivimmi aningaasatigut sulisoqarnikkullu naliliinerit

Neqeroortitsineri atortuni ornittakkatut neqeroorummi ukiuni tallimani aningaasatigut sinaakkutitut ukiumut 5,34 mio. kr.-it aalajangersarneqarpoq. Tamatuma saniatigut inunnut tarnikkut ilungersuuteqartunut suussusersineqarsimanngitsunilli suliniummik pilersitsineq ukioq ataaseq 800.000 kr.-nik periarfissaqartumik aningaasartaqarpoq. Aningaasartuutit missingersuutini aningaasaliissutaareersut iluanni akilerneqassapput.

Ornittakkamut aningaasaliissutit piffissamut 2025–2027-mut immikkoortinneqarput. 2027-2030-mut missingersuusiornermut atatillugu suliniutit ornittakkap ingerlariaqqinnissaanut siunnersuummik ingerlatsivimmi suliaqartoqarumaarpoq.

Missingersuusiornermut Naatsorsuusiornermullu Immikkoortortamit aningaasatigut naliliineq

Missingersuusiornermut Naatsorsuusiornermullu immikkoortoqarfik aalajangiussamut oqaaseqaatissaqanngilaq.

Inatsisitigut tunngavissaq allakkallu tunngaviusumik uppersaatiillit

- Angerlarsimaffeqanngitsunut periusissiaq
- Angerlarsimaffeqanngitsuuneq pillugu immikkoortumut pilersaarut
- 2025-mi missingersuutit pillugit isumaqatigiissut
- Inersimasunut paaqqinniffiit immikkut siunertallit pillugit Inatsisartut peqqussutaat nr. 6, 28. aprili 1988-imeersoq
- Pisortat oqartussaaffigisaanni suliffeqarfiinilu nioqqutissanik kiffartuussinernillu pisineri tunngatillugu neqerooruteqartitsisarneq pillugu inatsisartut inatsisaat nr. 6, 12. juuni 2019-imeersoq

Ilanngussaq

1. Neqerooruteqartitsineri atortussatut siunnersuut
2. Neqerooruteqartitsineri atortussani imaritinneqartut pillugit Suliffeqarneri Isumaginninnermullu Ingerlatsivimmi isumaliutersiissutit
3. Suliamik saqqummiussissut AIA ulloq 22. agusti 2025, Inunnut tarnikkut ilungersuuteqartunut suussusersineqarsimanngitsunilli suliniut

Punkt .: Tamalaat

Beslutning

I

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14:53

